

百宋樓藏書志

1加2
796
13



門 12
冊 796
卷 13



函宋樓藏書志卷四十三

存齋雜纂之六

歸安陸心源剛甫編

子部

醫家類一

新刊補註釋文黃帝內經素問二十四卷

元刊本

唐啟玄子**王冰**次註**宋**林億孫奇高保衡等奉

勅校正孫兆重改誤

臣聞安不忘危存不忘亡者往聖之先務求民
之瘼恤民之隱者上主之深仁在昔黃帝之御
極也以理身緒餘治天下坐於明堂之上臨觀



百宋樓藏書志 卷四十三
八極考建五常以謂人之生也負陰而抱陽食
味而被色外有寒暑之相盪內有喜怒之交侵
天昏札瘥國家代有將欲斂時五福以敷錫厥
庶民乃與歧伯上窮天紀下極地理遠取諸物
近取諸身更相問難垂法以福萬世於是雷公
之倫授業傳之而內經作矣歷代寶之未有失
墜蒼周之興秦和述六氣之論具明於左史厥
後越人得其一二演而述難經西漢倉公傳其
舊學東漢仲景撰其遺論晉皇甫謐刺而爲甲
乙及隋楊上善纂而爲太素時則有全元起者

始爲之訓解闕第七一通迄唐寶應中太僕王
冰篤好之得先師所藏之卷大爲次註猶是三
皇遺文爛然可觀惜乎唐令列之醫學付之執
技之流而荐紳先生罕言之去聖已遠其術晦
昧是以文注紛錯義理混淆殊不知三墳之餘
帝王之高致聖賢之能事唐堯之授四時虞舜
之齊七政神禹修六府以興帝功文王推六子
以敘卦氣伊尹調五味以致君箕子陳五行以
佐世其致一也柰何以至精至微之道傳之以
至下至淺之人其不廢絕爲已幸矣頃在嘉祐

百宋樓藏書志 卷四十三
中仁宗念聖祖之遺事將墜于地迺詔通知其
學者俾之是正臣等承乏典校伏念旬歲遂乃
搜訪中外哀集眾本寢尋其義正其訛舛十得
其三四餘不能具竊謂未足以稱明詔副聖意
而又採漢唐書錄古醫經之存於世者得數十
家敘而考正焉貫穿錯綜磅礴會通或端本以
尋支或泝流而討源定其可知次以舊目正繆
誤者六千餘字增注義者二千餘條一言去取
必有稽考舛文疑義於是詳明以之治身可以
消患於未兆施於有政可以廣生於無窮恭惟

皇帝撫大同之運擁無疆之休述先志以奉成
興微學而永正則和氣可召災害不生陶一世
之民同躋于壽域矣國子博士臣高保衡光祿
卿直秘閣臣林億等謹上

啟立子王冰序 寶應元年

朝奉郎守國子博士同校正醫書上騎都尉賜
緋魚袋高保衡朝奉郎守尚書郎屯田郎中同
校正醫書騎都尉賜緋魚袋孫奇朝散大夫守
光祿卿直秘閣判登聞檢院上護軍林億

補註釋文黃帝內經素問二十四卷

明趙府居敬堂
本陸耳山舊

藏

唐啟玄子**王冰**次註**宋**林億孫奇高保衡等奉

勅校正孫兆重改誤

王冰序 寶應元年

林億序

重廣補註黃帝內經素問二十四卷 明覆宋本

唐啟元子**王冰**次註林億孫奇高保衡等奉勅

校正孫兆重改誤

王冰序 寶應元年

林億等序

顧從德跋 嘉靖庚戌

新刊黃帝內經靈樞十二卷 元刊本

撰人無考

新刊晞范句解八十一難經 宋麻沙刊本

周盧國秦越人撰**宋**翰林王惟一校正臨川晞

范子李駟子楚句解

可以生人可以殺人莫若兵與刑然兵刑乃顯
然之生殺人皆可得而見醫乃隱然之生殺人
不可得而見年來一妄男子耳不聞難素之語
口不誦難素之文濫稱醫人妄用藥餌誤之於

尺寸之脈何啻乎尺寸之兵差之於輕重之劑
有甚於輕之劑予業儒未效惟祖醫是習不
揆所學嘗集解王叔和脈訣矣嘗句解幼幼歌
矣如入十一難經乃越人授桑君之祕術尤非
膚淺者所能測其祕隨句箋解義不容辭敬以
十先生補註爲宗祖言言有信字字有釋必欲
學醫君子口誦心惟以我之生觀彼之生自必
能回生起死矣何至有寔寔虛虛醫殺之訛吁
醫有生人之功如此豈不賢於兵刑之生殺哉
時大宋咸淳五年歲次己巳孟春臨川晞范子

李駒子瑩白序

儀顧堂集有跋

難經集註五卷

東洋刊本

周盧國秦越人撰

呂廣丁德用楊玄操虞庶楊康侯王九思于鼎
象石友諒註解

楊元操序

擘經室外集難經集注五卷周秦越人撰越人
卽扁鵲事迹具史記本傳明王九思等集注九
思字敬夫鄆縣人宏治十才子之一丙辰進士

事迹附明史李夢陽傳餘則未詳難經雖不見于漢藝文志而隋唐志已著錄凡八十一章編次爲十三類理趣深遠非易了然九思因集吳呂廣唐楊元操宋丁德用虞庶楊康侯各家之說彙爲一書以便觀者案宋晁公武讀書志云德用以楊元操所演甚失大義因改正之經文隱奧者繪爲圖以明之然則書中圖說殆德用所爲是編日本人用活字板擺印呂楊各注今皆未見傳本亦藉此以存矣

黃帝三部鍼灸甲乙經十二卷

明藍格抄本

晉玄晏先生皇甫謐集

自序曰夫醫道所興其來久矣上古神農始嘗草木而知百藥黃帝咨訪歧伯伯高少俞之徒內考五臟六腑外綜經絡血氣色候參之天地驗之人物本性命句有脫窮神極變而鍼道生

焉其論至妙雷公受業傳之於後伊尹以亞聖之才撰用神農本草以爲湯液中古名醫有俞跗醫緩扁鵲秦有醫和漢有倉公其論皆經理識本非徒診病而已漢有華佗張仲景其他奇方異治施世者多亦不能盡記其本末若知直

祭酒劉李珍病發於畏惡治之而差云後九年李珍病應發發當有感仍本於畏惡病動必死終如其言仲景見侍中王仲宣時年二十餘謂曰君有病四十當眉落眉落半年而死令服五石湯可免仲宣嫌其言忤受湯而勿服居三日見仲宣謂曰服湯否仲宣曰已服仲景曰色候固非服湯之診也君何輕命也仲宣猶不言後二十年果眉落後一百八十七日而死終如其言此二事雖扁鵲倉公無以加也華佗性惡矜技終以戮死仲景論廣伊尹湯液爲十數卷用

之多驗近代太醫令王叔和撰次仲景選論甚精指事施用按七略藝文志黃帝內經十八卷今有鍼經九卷素問九卷二九十八卷卽內經也亦有所亡失其論遐遠然稱述多而切事少有不編次比按倉公傳其學皆出於素問論病精微九卷是原本經脈其義深奧不易覺也又有明堂孔穴鍼灸治安皆黃帝歧伯選事也三部同歸文多重復錯互非一甘露中吾病風加苦聾百日方治多皆淺近乃撰集三部使事類相從刪其浮辭除其重複論其精至爲十二卷

易曰觀其所聚而天地之精事見矣况物理乎
事類相從聚之義也夫受先人之遺體有八尺
之軀而不知醫事此所謂遊魂耳若不精通於
醫道雖有忠孝之心仁慈之性君父危困赤子
塗地無以濟之此亦聖賢所以精思極論盡其
理也由此言之焉可忽乎吾性愛之其本論其
文有理雖不切於近事不甚刪也若必精要後
其閒暇當撰覈以爲教經云爾

臣聞通天地人曰儒通天地不通人曰技

也雖曰方技其實儒者之事乎班固序藝文志

稱儒者助人君順陰陽明教化此亦通天地人
之理也又云方技者蓋論病以及國原胗以知
政非能通三才之奧安能及國之政哉晉皇甫
謐博綜典籍百家之言沈靜寡慾者有高尙之
志得風痺因而學醫習覽經方遂至於妙取黃
帝素問鍼經明堂三部之書撰爲鍼灸經十二
卷 不能及也或曰素問鍼經明堂三
部 非黃帝書似出於戰國曰人生天地之
間八尺之軀藏之堅脆府之大小穀之多少脈
之長短血之清濁十二經之血氣大數皮膚包

前宋樓藏書志 卷四十三
緒其外可剖而視之乎非大聖上智孰能知之
戰國之人何與言大哉黃帝內經十八卷鍼經
三卷最出遠古皇甫士安能撰而集之簡編脫
漏者已多矣是使文字錯亂義理顛倒世失其
傳學之者鮮矣唐甄權但修明堂圖孫思邈從
而和之其餘篇第亦不能盡書之國家詔儒臣
校正醫書等令取素問九靈樞太素經千金
方及翼外臺祕要諸家善書校對玉成繕寫將
備親覽恭惟主上聖哲文明光輝上下孝慈仁
德蒙被眾庶大頌歧黃遠及方外使皇化兆於

無窮和氣浹而充塞茲亦助人靈順陰陽明教
化之一端國子博士臣高保衡尚書屯田郎中
臣孫奇光祿卿直祕閣臣林億等上

熙寧二年四月二十三日進呈奉聖旨鏤板施
行朝奉郎守國子博士校正醫書上騎都尉賜
緋魚袋臣高保衡朝奉郎尚書屯田郎中同校
正醫書騎都尉賜緋魚袋臣孫奇朝散大夫守
光祿卿直祕閣判登聞檢院上護軍臣林億
熙寧二年五月二日

朝散大夫右諫議大夫叅知政事上護軍長安

郡開國侯食邑一千一百戶賜紫金魚袋臣王安石推忠佐理功臣正奉大夫行左諫議大夫叅知政事上柱國南陽郡開國侯食邑一千一百戶賜紫金魚袋臣曾公亮推忠協謀同德守正亮節佐理翊戴功臣開府儀同三司行尚書右僕射兼門下侍郎同中書門下平章事集賢大學士上柱國晉國公食邑一千一百戶實封三百戶臣趙抃推忠協謀同德佐理守正亮節功臣開府儀同三司行尚書左僕射兼門下侍郎同中書門下平章事昭文館大學士監脩國

史兼繹經潤文使上柱國鄭國公食邑一萬一千戶實封四千戶臣富弼

戴氏手跋曰書內尙有當正之處因無善本靈樞姑俟異日乃定乾隆辛卯休寧戴霖校

朱氏手跋曰辛卯亥月六日休寧戴漁卿爲詳校一過訖見還云此本訛字雖多然其不訛處視今本大勝眞古抄本也暇當更求善本校之是日蜀河朱筠記

黃帝三部鍼灸甲乙經十二卷 明抄本

晉玄晏先生皇甫謐集

自序

林億序

後有王安石等銜名未有正統六年十有五日
琴川俞氏永惠堂家藏一行

葛仙翁肘後備急方八卷

明刊本

宋葛洪撰

醫有方古也古以來著方書者無慮數十百家
其方殆未可以數計篇帙浩瀚苟無良醫師安
所適從况窮鄉遠地有病無醫有方無藥其不
罹夭折者幾希丹陽葛稚川夷考古今醫家之

說驗其方簡要易得鍼灸分寸易曉必可以救
人於死者爲肘後備急方使有病者得之雖無
韓伯休家自有藥雖無封君達人可爲醫其以
備急固宜華陽陶弘景曰葛之此製利世實多
但行之既久不無謬誤乃著百一方疏于備急
之後訛者正之缺者補之附以炮製服食諸法
纖悉備具仍區別內外他犯爲三條可不費討
尋開卷見病其以備急益宜葛陶二君世共知
爲有道之士於學無所不貫於術無所不通然
猶積年僅成此編蓋一方一論已試而後錄之

非徒採其簡易而已人能家置一帙遇病得方
方必已病如歷卞和之肆舉皆美玉入伯樂之
廐無非駿足可以易而忽之邪葛自序云人能
起信可免天橫意可見矣自天地大變此方湮
沒幾絕聞一存者闕以自寶是豈制方本意連
帥烏侯夙多疹疾宦學之餘畱心于醫藥前按
察河南北道得此方於平鄉郭氏郭之婦翁得
諸汴之掖庭變亂之際與身存亡未嘗輕以示
人迨今而出焉天也侯命工刻之以趣其成唯
恐病者見方之晚也雖然方之顯晦而人之生

死休感係焉出自有時而隱痛惻怛如是其急
者不忍人之心也有不忍人之心斯有不忍人
之政矣則侯之仁斯民也豈直一方書而已乎
方之出乃吾仁心之發見者也因以序見命特
書其始末以告夫未知者至元丙子季秋稷亭
段成已題

抱朴子丹陽葛稚川曰余旣窮覽墳索以著述
餘暇兼綜術數省仲景元化劉戴祕要金匱綠
秩黃素方近將千卷患其混雜煩重有求難得
故周流華夏九州之中收拾奇異摭拾遺逸選

而集之使種類殊分緩急易簡凡爲百卷名曰
玉函然非有力不能盡寫又見周甘唐阮諸家
各作備急既不能窮諸病狀兼多珍貴之藥豈
貧家野居所能立辦又使人用鍼自非究習醫
方素識明堂流注者則身中榮衛尙不知其所
在安能用鍼以治之哉是使鳧鴈摯繫牛羊搏
噬無以異也雖有其方猶不免殘害之疾余今
採其要約以爲肘後救卒三卷率多易得之藥
其不獲已須買之者亦皆賤價草石所在皆有
兼之以灸灸但言其分寸不名孔穴凡人覽之

可了其所用或不出乎垣籬之內顧眄可具苟
能信之庶免橫禍焉世俗苦於貴遠賤近是古
非今恐見此方無黃帝倉公和鵲踰跼之目不
能採用安可強乎

太歲庚辰隱居曰余宅身幽嶺迄將十載雖每
植德施功多止一時之設可以傳方遠裔者莫
過於撰述見葛氏肘後救卒殊足申一隅之思
夫生人所爲大患莫急於疾疾而不治猶救火
而不以水也今輦掖左右藥師易尋郊郭之外
已似難值况窮村迴野遙山絕浦其閒枉天安

可勝言方術之書卷軸徒煩拯濟殊寡欲就披覽迷惑多端抱朴此製實爲深益然尙闕漏未盡輒更採集補闕凡一百一首以朱書甄別爲肘後百一方於雜病單治略爲周遍矣昔應璩爲百一詩以箴規心行今余撰此蓋欲衛輔我躬且佛經云人用四大成身一大輒有一百一病是故深宜自想上自通人下達眾庶莫不各加繕寫而究括之余又別撰效驗方卷五具論諸病證候因藥變通而並是大治非窮居所資若華軒鼎室亦宜修省耳葛序云可以施於貧

家野居然亦不止如是今搢紳君子若常處閑佚乃可披檢方書或從祿外邑將命遠征或宿直禁闈晨宵隔絕或急速戎陣城柵嚴阻忽遇疾倉卒唯拱手相看曷若探之囊笥則可庸豎成醫故備論證候使曉然不滯一披條領無使過差也尋葛氏舊方至今已二百許年播於海內因而濟者其效實多余今重以該要庶亦傳之千祀豈止於空衛我躬乎舊方都有八十六首檢其四蛇兩犬不假殊題喉舌之間亦非異處入塚御氣不足專名雜治一條猶是諸病部

醉翁樓藏書志 卷四十三
類強致殊分復成失例今乃配合爲七十九首
於本文究具都無忖減復添二十二首或因葛
一事增構成篇或補葛所遺準文更撰具如後
錄詳悉自究先次比諸病又不從類遂具復勞
在傷寒前霍亂置耳目後陰易之事乃出雜治
中兼題與篇名不盡相符卒急之時難於尋檢
今亦次其銓次庶歷然易曉其解散脚弱虛勞
渴利發背嘔血多是貴勝之疾其傷寒中風診
候最難分別皆應取之於脈豈凡庸能究今所
載諸方皆灼然可用但依法施治無使違逆其

癰疽金瘡形變甚眾自非具方未易根盡其婦
女之病小兒之病並難治之方法不少亦載其
綱要云凡此諸方皆是撮其樞要或名醫垂記
或累世傳良或博聞有驗或自用得力故復各
題祕要之說以避文繁又用藥有舊法亦不復
假事事詮詔今通立定格共爲成準凡服藥不
言先食者皆在食前應食後者自各言之凡服
湯云三服再服者要視病源准候或疎或數足
令勢力相及毒利藥皆須空腹補瀉其間自可
進粥丸散日三者當取旦中暮進之四五服則

一日之中量時而分均也凡下丸散不云酒水飲者本方如此而別說用酒水飲則是可通用三物服也凡云分等卽皆是丸散隨病輕重所須多少無定銖兩三種五種皆分均之分兩凡云丸散之若干分兩者是品諸藥宜多宜少之分兩非必止於若干分兩假令日服三方寸七須差止是三五兩藥耳凡云末之是搗篩如法咬咀者皆細切之凡云湯煮取三升分三服皆絞去滓而後酌量也字方中用鳥獸屎作矢字尿作溺字牡鼠亦作雄字乾作干字凡云錢七

者以大錢上全抄之若云半錢則是一錢抄取一邊爾並用五銖錢也方寸七卽用方一寸抄之可也刀圭准如兩大豆炮熬灸洗治諸藥凡用半夏皆湯洗五六度去滑附子烏頭炮去皮有生用者隨方言之礬石熬令汁盡椒皆出汗麥門冬皆去心丸散用膠皆灸巴豆皆去心皮熬有生用者隨而言之杏仁去尖皮熬生用者言之葶藶皆熬阜茨去皮子藜蘆枳殼甘草皆灸火棗支子擘破巴豆桃杏人之類皆別研搗如膏乃和之諸角皆屑之麻黃皆去節凡湯中

用芒硝阿膠枳糖皆絞去滓內湯中更微煮令消紅雪朴硝等皆狀此而入藥也用蘇黃卽去節先煮三五沸掠去沫後乃入餘藥凡如上諸法皆已具載在余所撰本草上卷中今之人有此肘後百一者未必得見本草是以復疏方中所用者載之此事若非畱心藥術不可盡知則安得使之不僻繆也案病雖千種大略只有三條而已一則府藏經絡因邪生疾二則四支九竅內外交媾三則假爲他物橫來傷害此三條者今各以類而分別之貴圖倉卒之時披尋簡

易故也今以內疾爲上卷外發爲中卷他犯爲下卷具列之云華陽隱居補闕肘後百一方序上卷三十五首治內病

中卷三十五首治外發病

下卷三十一首治爲物所苦病

李杲序

萬曆二年

脈經十卷

明仿宋本

晉太醫令王叔和撰宋朝散大夫守光祿卿直秘閣判登聞檢院上護軍臣林億等類次
臣等承詔典校古醫經方書所校讎中脈經一

部乃王叔和之所撰集也叔和西晉高平人性
度沉靖尤好著述博通經方精意診處洞識修
養之道其行事具唐甘伯宗名醫傳中臣等觀
其書敘陰陽表裏辨三部九候分人迎氣口神
門條十二經二十四氣奇經八脈以舉五藏六
腑三焦四時之病若網在綱有條而不紊使人
占外以知內視死而別生爲至詳悉咸可按用
其文約其事詳者獨何哉蓋其爲書一本黃帝
內經閒有疎略未盡處而又輔以扁鵲仲景元
化之法自餘奇怪異端不經之說一切不取不

如是何以歷數千百年而傳用無毫髮之失乎
又其大較以謂脈理精微其體難辨兼有數候
俱見異病同脈之惑專之指下不可以盡隱伏
而乃廣述形證虛寔詳明聲色玉相以此參伍
決死生之分故得十全無一失之繆爲果不疑
然而自晉室東渡南北限隔天下多事於養生
之書寔未遑暇雖好事之家僅有傳者而承疑
習非將喪道眞非夫聖人曷爲釐正恭惟主上
體大舜好生之德玩神禹敘極之文推錫福之
良心鑒慎疾之深意出是古書俾從新定臣等

各殫所學博求眾本據經爲斷去取非私大抵世之傳授不一其別有三有以隋巢元方時行病源爲第十卷者考其時而繆自破有以第五分上下卷而撮諸篇之文別增篇目者推其本文而義無取稽是二者均之未覩厥真各秘其所藏爾今則考以素問九虛靈樞太素難經甲乙仲景之書并千金方及翼說脈之篇以校之除去重複補其脫漏其篇第亦頗爲改易使以類相從仍舊爲一十卷總九十七篇施之於人俾披卷者足以占外以知內視死而別生無待

飲上池之水矣國子博士臣高保衡尙書屯田郎中臣孫奇光祿卿直秘閣臣林億等謹上
自序曰脈理精其體難辨絃緊浮芤展轉相類在心易了指下難明謂沉爲伏則方治永乖以緩爲遲則危殆立至况有數候俱見異病同脈者乎夫醫藥爲用性命所繫和鵠至妙猶或加思仲景明審亦候形證一毫有疑則考校以求驗故傷寒有承氣之戒嘔噦發下焦之間而遺文遠旨代寡能用舊經秘述奧而不售遂令末學昧於原本斥茲偏見各逞已能致微痾成膏

育之變滯固絕振起之望良有以也今撰集歧伯以來逮于華佗經論要訣合爲十卷百病根原各以類例相從聲色證候靡不該備其王阮傳戴吳葛呂張所傳異同咸悉載錄誠能畱心研窮究其微曠則可以比蹤古賢代無天橫矣熙寧元年七月十六日進呈奉聖旨鑱版施行朝奉郎守國子博士同校正醫書上騎都尉賜緋魚袋臣高保衡朝奉郎守尚書屯田郎中同校正醫書騎都尉賜緋魚袋臣孫奇朝散大夫守光祿卿直秘閣判登聞檢院上護軍臣林億

熙寧二年七月十四日朝散大夫右諫議大夫叅知政事護軍長安郡開國侯食邑一千一百戶賜紫金魚袋臣王安石推忠佐理功臣正奉大夫行右諫議大夫叅知政事上柱國南陽郡開國侯食邑一千戶賜紫金魚袋臣趙抃推忠協謀同德守正亮節佐理翊戴功臣開府儀同三司行尚書左僕射兼門下侍郎同中書門下平章事集賢殿大學士上柱國魯國公食邑一萬一千一百戶食寔封三千八百戶臣曾公亮推忠協謀同德守正亮節佐理功臣開府儀同

三司行尚書左僕射兼門下侍郎同中書門下
平章事昭文館大學士監修國史兼譯經潤文
使上柱國鄭國公食邑一萬一千戶食寔封四
千二百戶臣富弼

國子監准監關准尚書禮部符准紹聖元年六
月二十五日勅中書省尚書省送到禮部狀據
國子監狀據翰林醫學本監三學看治任仲言
狀伏覩本監先准朝旨開雕小字聖惠方等共
五部出賣并每節鎮各十部餘州各五部本處
出賣今有千金翼方金匱要略方王氏脈經補

注本草圖經本草等五件醫書日用而不可缺
本監雖見印賣皆是太字醫人往往無錢請買
兼外州軍尤不可得欲乞開作小字重行校對
出賣及降外州軍施行本部看詳欲依國子監
申請事理施行伏候指揮六月二十三日奉聖
旨依奉勅如右牒到奉行都省前批六月二十
六日未時付禮部施行仍關合屬去處主者一
依勅命指揮施行紹聖三年六月日雕集慶軍
節度推官監國子監書庫向宗恕承務郎監國
子監書庫曾繰延安府臨真縣令監國子監書

庫鄧平潁州萬壽縣令監國子監書庫郭直卿
宣義郎國子監主簿王仲蕤通直郎國子監丞
武騎尉檀宗益朝散郎守國子監司業上輕車
都尉賜緋魚袋趙挺之朝奉郎守國子司業兼
侍講雲騎尉龔原

醫之學以七經爲本猶儒家之六藝也然七經
中其論脈理精凝莫詳於王氏脈經綱舉目分
言近旨遠是以自西晉至於今日與黃帝盧扁
之書並傳學者咸宗師之南渡以來此經罕得
善本凡所刊行類多訛舛大任每切病之有家

藏紹聖小字監本歷歲既深陳板漫滅字畫不
能無謬然昔賢參考必不失真後學校正傳之
未暇 再承乏醫學偶一時教官如毛君开李
君邦彥王君邦佐高君宗卿皆洽聞者知大任
有志於斯乃同博驗羣書孜孜凡累月正其誤
千有餘字遂鳩工剞劂于本局與眾共之其中
舊有缺文意涉疑似者亦不敢妄加補注尙賴
後之賢者嘉定丁丑仲夏望日濠梁何大任後
序

掣經室外集脈經十卷西晉王叔和撰宋林億

等校定叔和高平人官太醫令甘伯宗名醫傳
稱叔和博通經方精義診處尤好著述是編從
宋嘉定何大任刻本影抄世傳叔和脈訣一卷
乃後人依託爲之與此絕不相同也

劉涓子鬼遺方五卷神仙遺論一卷

舊抄本

齊東野語

自序曰昔劉涓子晉末於丹陽郊外照射忽見
一物高二丈許射而中之如雷電聲若風雨其
夜不敢前追詰旦率門徒子弟數人尋踪至山
下見一小兒提罐問何往爲我主被劉涓子所

射取水洗瘡而問小兒曰主人是誰人云黃父
鬼仍將小兒相隨還來至門間搗藥之聲比及
遙見三人一人開書一人搗藥一人臥爾乃齊
唱叫突三人並走遺一卷癰疽方并藥一曰時
從宋武北征有被瘡者以藥塗之卽愈論者云
聖人所作天必助之也此天授武王也於是用
方爲治千無一失姊適人于從叔祖叔涓子寄
姊書具敘此事并方一卷方是丹陽白薄紙本
寫今手跡尙存從家世能爲治方我而不傳至
孫道慶與余鄰居情款異常臨終見語家有神

方兒子幼稚苟非其人道不虛行尋卷診候兼辨藥性欲以相傳屬余既好方術受而不辭自得此方于今五載所治皆愈可謂天下神驗劉氏昔既龔方故草寫多無次第今輒定其前後族類相從爲此一部流布鄉曲有識之士幸以自防齊永明元年太歲己卯五月五日撰道慶曰王祖劉氏有此鬼方一部道慶祖考相承謹按處治萬無一失舅祖涓子兄弟自寫寫稱云無紙而用丹陽錄永和九年資財不薄豈復無紙是以此別之耳

周氏手跋曰嘉慶十年二月偶於湖州書賈得鈔本劉涓子鬼遺方五卷并治癰疽神仙遺論一卷因取向年所藏照宋鈔本鬼遺方校之行欵與此本不同字句間有脫譌亦有脫葉寔不逮所藏本惟所藏本偶有缺字此本有之首卷碎骨作辟骨辟同擘擘有分義剖義碎字似因字形而誤皆此本之勝於所藏本者錢述古讀書敏求記所載書二云同是宋鈔此兩書合爲一冊或亦祖錢本歟可知宋刻非一不得執彼以議此凡讀書須博觀眾本採集所長不可因

有宋本他本遂置而不觀也鬼遺方席氏已開
雕而劉涓子治癰疽神仙遺論世無傳本其書
十卷載於陳直齋書錄解題卷或一板或數行
此本其爲後人所併歟其論病原決死生言之
確鑿可據寔堪與鬼遺方並傳也余因校閱所
及略書所見以質世之讀是書者香巖居士周
錫瓚識

又曰跋後借得黃氏士禮居所貯述古堂舊抄
鬼遺方校勘補缺正誤裨益甚多其原誤者仍
照錢本改所以留舊鈔面目其書不過正嘉間

人所鈔非宋鈔也此本從錢本照錄頗信余前
跋之不妄不知何日再得舊鈔神仙遺論一校
成合璧也錫瓚又識

案直齋書錄解題劉涓子神仙遺論十卷東蜀
刺史李頤錄中興書目引崇文總目云宋龔慶
宣撰劉涓子者晉末人於丹陽縣得鬼遺方一
卷皆治癰疽之法慶宣得而次第之今按唐志
有龔慶宣劉涓子鬼方十卷未知卽此書否卷
一板或止數行名爲十卷實不多也

百宋樓藏書志 卷四十四
之命裨有邦之治也國家丕冒萬宇交修庶職
執技服於官守寬疾存乎政典皇上秉靈圖而
迪成憲奉母儀而降至化明燭幽隱惠綏動植
憫斯民之疾苦矻嘉醫之拯濟且念幅員之遼
邈間巷之窮阨肄業之士罕盡精良傳方之家
頗承疑舛四種之書或闕七年之習未周以彼
粗工肆其億度天害生理可不哀哉是形慚怛
或懷重慎以爲昔之上手效應參神前五日而
逆知經三折而取信得非究源之微妙用意之
詳密乎蓋診候之教肇自軒祖中古已降論著

彌繁思索其精博利于眾迺下明詔疇咨舊聞
上稽聖經旁摭奇道發延閣之秘蘊敕中尙而
讐對諸病源候論者隋大業中大醫巢元方等
奉詔所作也會粹羣說沈研精理形脉之證罔
不該集明居處愛欲風溼之所感示針鑱橋引
湯熨之所宜誠術藝之楷模而診察之津涉監
署課試固常用此乃命與難經素問圖鑊方版
傳布海內洪惟祖宗之訓務惟存育之惠補農
經之闕漏班禁方於遐邇逮今搜採益窮元本
方論之要殫矣師藥之功備矣將使後學優而

柔之視色毫而靡愆應心手而胥驗大哉味百草而救枉者古皇之盛德憂一夫之失所者二帝之用心弭茲札瘥躋之仁壽上聖愛人之旨不其篤歟翰林醫官副使趙拱等叅校既終繕錄以獻爰俾近著爲之題辭顧惟空疎莫探祕曠徒以述善誘之深意用勸方來揚勤卹之至仁式昭大庇云爾謹序翰林學士兼侍讀學士王清昭應宮判官中散大夫尙書左司郎中知制誥史館修撰判館事上護軍常山郡開國侯食邑一千二百戶賜紫金魚袋臣宋綬奉勅撰

孫真人千金方三十卷

宋刊配元明刊本
舊藏

黃堯圃

唐孫思邈撰

自序

黃氏手跋曰嘉慶四年二月十九日至昭明巷老屋遇書友邵鍾琳謂余曰吾兄酉山堂中有元板千金方中配明板者曾送閱乎余曰未也因到彼閱之適主人不在从其火取歸共十四冊內配第六至第十第十六至十九仍缺第二十卷其餘皆宋刻宋印非元板也越日遣人問其價需錢二兩四錢遂如直與之余家舊藏錢

述古抄本云是從宋閣本出者已自侈爲善本
今得宋刻勘之鮮有一處符合者初不解其故
後檢通考知晁所見者爲千金方三十卷陳所
見者爲千金備急要方三十卷本其前類例數
條林億等新纂則知抄本卽从宋閣本出已是
經後人增損原書故與宋刻原本多所不同也
二本非特文義增減卽葯名分兩法製殊有不
合前人之方忽經後以意改削可信不可信乎
矧錢本所据今以補入宋本之明本參攷同出
一原於明本爛板抄本皆缺文宋閣本所出益

未可信其說矣惟是千金方宋刻昔人無有見
及者所見止千金備急要方故不得不以此爲
祖本而於林億等纂例以前之本反有不信爾
余得此本雖殘缺亦自侈爲奇祕矣持示五柳
主人反以明刻爲勝於舊刻而宋則斷斷乎其
不信宜酉山堂之以無意得之其火云收於店
門前而仍以無意去之也古書難識于今益信
云歲在己未清明前五日棘人黃丕烈書于士
禮居

又曰二月廿六洞庭鈕非石楓橋袁綬堦訪余

予以書出示相約以詩紀事用孫字禁押本事

時同觀者有西賓夏方米謂余宜用杜老明妃

詩例遂遵之率成五律四首并不重韻千金偏

易得宋刻儼然存備急誠為要重刊未足論混

淆今世本世行本為九十三卷補綴舊時痕晁志真堪據

題應陋振孫開國滎陽鄭藏書到子孫書中

陽開國世裔鄭氏家藏圖書幾時晦塵土頃刻抵瑤琨纂例

曾經億嫌名却避敵此書遇敵字作避光宗嫌名卅方嗟尙

缺何處覓仙魂鬼遺方厘半藏弄認錢孫劉

子鬼遺方五卷厘本書之半也人視之若全璧焉余所得朱丈文游藏舊抄本有錢遵王孫慶

增圖插架分先後鬼遺方去排籤並弟昆敏求

書門始以千金要方終以劉涓子鬼遺方年所得世增收駿價仙感活龍恩

從此思明理都慙少夙根人命千金貴方書

自古尊所嗟求祕笈不盡出醫門本草心徒愛

金板本草為袁氏五硯樓所收傷寒眼竟昏宋板龐安時傷寒

單中物書賈以單示余子以醫寶要即從干論為朱丈文游書珍重付兒孫

又曰余既收得宋刻殘本千金方久藏篋衍未

暇裝潢也及後收得元刻全本知從宋閣本出

而錢述古之舊抄以為出自宋閣本者據此也

前云此配明本所見未的後又收得明翻元刻
宋本缺卷尙可爲狗尾之續因合裝之宋自宋
元自元明自明迹不可掩雖合而仍可分不致
以僞亂真也丁丑夏五復翁

案宋本每葉廿八行每行二十五字與日本刊
本千金方校勘記所引唐本皆合是林億未校
以前本也元本每葉廿四行每行二十二字題
曰重刊孫真人備急千金要方明刊題名行欵
皆與元刊同惟板心有某某類等字

備急千金要方三十卷 東洋覆宋本

唐孫思邈撰 宋朝奉郎守太常少卿充祕閣校

理判登聞檢院上護軍賜緋魚袋臣林億等校

正

林億等序

自序

日本尙質序

重刊孫真人備急千金要方三十卷 元刊本

唐孫思邈撰 宋朝奉郎守太常少卿充祕閣校

理判登聞檢院上護軍賜緋魚袋臣林億等校

正

自序

林億等序

無名氏識曰醫家之書不為不多獨孫真人千金方決不可闕古賢以千金名之則其珍之也明矣脉證方藥鍼灸孔穴癰毒制度靡所不載近得前宋西蜀經進官本不敢私祕重加較正一繡梓與世共之凡以醫鳴者將見家扁鵲人叔和孰不曰衛生之一助云耳

千金翼方三十卷

東洋覆元本

唐孫思邈撰 宋朝奉郎守太常少卿充祕閣校

理林億等校正

林億等序

外臺祕要方四十卷

北宋刊印本

高瑞南舊藏

唐銀青光祿大夫持節鄴郡諸軍事兼守刺史上柱國清源縣開國伯王燾撰宋朝散大夫守光卿直祕閣判登聞檢院上護軍臣林億等上進

自序

夫外臺者刺史之任也祕要者祕密樞要之謂也唐王燾臺閣二十餘年久知弘文館得古今

方上自神農下及唐世無不採摭集成經方四十卷皆諸方祕密樞要也以出守于外故號曰外臺祕要方凡一千一百單四門以巢氏病源諸家論辨各冠其篇首一家之學不爲不詳王氏爲儒者醫道雖未及孫思邈然而採取諸家之方頗得其要者亦崔氏孟詵之流也且古之如張仲景集驗小品方最爲名家今多亡逸雖載諸方中亦不能別白王氏編次各題名號使後之學者皆知所出此其所長也又謂鍼能殺生人不能起死人其法云亾且久故取灸而不

取鍼亦醫家之蔽也此方撰集之時或得缺落之書因其闕文義理不完者多矣又自唐歷五代傳寫其本訛舛尤甚雖鴻都祕府亦無善本國家詔儒臣軫正醫書臣承命曰其書方證之重者刪去以從其簡經書之異者註解以著其詳魯魚豕亥煥然明白臣謂三代而下文物之盛者必曰西漢止以侍醫李柱國較方技亦未嘗命儒臣也臣雖濫吹儒學但盡所聞見以修正之有所闕疑以待來哲總四十卷并目錄一卷恭惟主上盛德承統深仁流化頒此方論惠

及區宇贊天地之生育正萬物之性命使歲無
疵癘人不夭橫熙熙然歌樂於聖造者也前將
仕郎守殿中丞同較正醫書 臣孫兆謹上

皇祐三年五月二十六日內降劄子臣寮上言
臣昨南方州軍連年疾疫瘴癘其尤甚處一州
有死十餘萬人此雖天令差舛致此扎瘥亦緣
醫工謬妄就增其疾臣細曾詢問諸州皆闕醫
書習讀除素問病源外餘皆傳習偽書舛本故
所學淺俚誑誤病者欲望聖慈特出祕閣所藏
醫書委官選取要用者較定一本降付杭州開

板模印庶使聖澤及於幽隱民生免於夭橫奉
聖旨宜令逐路轉運司指揮轄下州府軍監如
有疾疫瘴厲之處於聖惠方內寫錄合用藥方
出榜曉示及遍下諸縣許人抄劄仍令祕閣簡
外臺祕要三兩本送國子監見較勘醫書官子
細較勘聞奏劄付孫兆准此至治平二年二月
二日准中書劄子較正醫書所狀醫書內有外
臺祕要一項今訪聞前較正官孫兆較對已成
所有淨草見在本家欲乞指揮下本家取赴本
局脩寫進冊所貴早得了當候指揮奉聖旨依

所申施行至四年三月 日進呈訖熙寧二年
五月二日准中書劄子奉聖旨鑄版施行朝奉
郎守國子博士同校正醫書騎都尉賜緋魚袋
臣高保衡 朝奉郎守尚書屯田郎中同校正
醫書騎都尉臣孫奇 朝散大夫守光祿卿直
祕閣判登聞檢院上護軍臣林億 朝散大夫
右諫議大夫叅知政事護軍長安郡開國侯食
邑一千一百戶賜紫金魚袋臣王安石 推忠
佐理功臣正奉大夫行右諫議大夫叅知政事
上柱國南陽郡開國侯食邑一千戶賜紫金魚

袋臣趙抃 推忠協謀同德守正亮節佐理翊
戴功臣開府儀同三司行尚書左僕射兼門下
侍郎同中書門下平章事集賢殿大學士上柱
國魯國公食邑一萬一千一百戶食實封叁阡
捌伯戶臣曾公亮 推忠協謀同德守正亮節
佐理功臣開府儀同三司行尚書左僕射兼門
下侍郎同中書門下平章事昭文館大學士監
修國史兼譯經潤文使上柱國鄭國公食邑一
萬一千戶食實封肆阡貳伯戶臣富弼
案此熙寧二年刊本爲是書最初祖本每葉一

十六行每行二十四字神宗以前帝諱嫌名皆缺避哲宗以後不避版心有刻工姓名每卷有目連屬正文卷末或題右從事郎充兩浙東路提舉茶鹽司幹辦公事趙子孟校勘或題右迪功郎充兩浙東路提舉茶鹽司幹辦公事張寔校勘卷一末有朝奉郎提舉藥局兼太醫令醫學博士臣裴宗元校正一行卷中有武林高瑞南家藏書畫記朱文長印曹溶之印朱文方印蔣氏彥恒子孫保之朱文方印清寧東閣朱文方印思濟堂朱文方印京口世家白文方印浙

右項篤壽子長藏書朱文方印案高瑞南名濂字深甫自號瑞南道人明正德時人家有妙賞樓藏書甚富曾刻瑞竹堂經驗方者項篤壽嘉興人有萬卷堂藏書覆宋本東觀餘論其所刻也蔣彥恒鎮江人觀其印文當是明弘正時人曹溶字潔躬明臣而仕于 本朝者此書有崇正時刊本以宋本校之可補二萬餘字百宋一厘所得祇目錄及第廿二卷陽城張古餘有半部蕘圃爲之神往見賦注此本四十卷完善如新不知黃氏見之又當何如耳

新刊銅人鍼灸經七卷

明山西刊本

不著撰人名氏

夫療病簡易之法必須針灸欲明針灸之方者
必須注意於是經是經也得之秘傳治病則有
受病之源指穴則有定穴之法効驗神速鍥綉
梓與眾共之衛生君子請勒之石幸鑒

新編西方子明堂灸經八卷

明刊本

西方子撰

石藥爾雅二卷

舊抄本

唐梅彪集

唐元和中西蜀梅彪撰石藥爾雅醫方以藥石
並稱爾雅止釋草木石不及焉宜彪取其隱名
而顯著之也自序言眾石異名象爾雅辭句凡
六篇勒為一卷而白雲霽道藏目錄作二卷疑
後人附益之唐代遺書傳世者罕矣乃抄而入
諸經部金風亭長彝尊識

任氏手跋曰乾隆己酉夏四月心齋居士任兆
麟于光祿王丈頤志堂假得校讀一過此頤志
堂彙鈔首冊也并記

玉函經一卷

舊抄本

百宋樓藏書志

卷四十四

十三

唐廣成先生杜光庭撰紫虛真人崔嘉彥註

自序

擘經室外集玉函經一卷唐杜光庭撰光庭字
聖賓括蒼人王建據蜀除諫議大夫進戶部侍
郎歸老青城山此書銜稱特進檢校太傅太子
賓客主管徽國公殆建時加授也書中辭簡義
深黎民壽注亦多發明是書藏書家皆未著錄
錢曾讀書敏求記載有光庭了證歌一卷又與
此異惟明人殷仲春醫藏目錄曾載是冊列之
無上函中此從宋刻影寫

傷寒總病論六卷附音訓一卷修治藥法一卷

宋刊本

宋 蘄水龐安時撰

啟久不爲問思企日深過辱存記遠枉書教具
聞起居住勝感慰兼集惠示傷寒論真得古聖
賢救人之意豈獨爲傳世不朽之資蓋已義貫
幽明矣謹當爲作題首一篇寄去方苦多事故
未能便付去人然亦不久作也老倦甚矣秋初
決當求去未知何日會見臨書惘惘惟萬萬以
時自愛不宣再拜安常處士閣下五月廿八日
人生絲脆何者爲可恃如君能著書傳後有幾

念此便當爲作數百字仍欲送杭州開板也知之又白

已上除不可作煮散方外凡湯劑言咬咀者如咬咀菱藕之滓狀今之麤末是也凡麤末每服四錢水一盞半煮八分濾去滓得七分爲準內有半夏附子爲毒藥之類每四錢水二盞入生薑三片煎七分內有或用朴硝或用阿膠或用飴糖或用焰硝或用雞子清皆煎成湯後去滓下之內或用竹瀝煎者每四錢水一盞二分煎至七分下竹瀝三分煎至七分內或用大黃者

虛人入大黃同煎之如難得通利人每服四錢水一盞半煎至一盞別入大黃半錢同煎至七分又難得利者以湯浸濃大黃汁三二分同煎之以取利爲度政和歲次癸巳門人布衣魏炳編

龐安常自少時喜鑿方爲人治病處其死生多驗名傾淮南諸鑿然爲氣任俠鬪雞走狗蹴鞠擊毬少年豪縱事無所不爲博弈音技一工所難而兼能之家富多後房不出戶而所欲得人之以鑿聘之也皆多陳其所好以順適其意其

來也病家如市其疾已也君脫然不受謝而去
中年乃屏絕戲弄閉門讀書自神農黃帝經方
扁鵲八十一難經皇甫謐甲乙無不貫穿其簡
策紛錯黃素朽蠹先師或失其意學術淺薄私
智穿鑿曲士或竄其文安常悉能辯論發揮每
用以治病幾乎十全矣然人疾詣門不問貧富
爲便房曲齋調護寒暑所宜珍膳美蔬時節其
飢飽之度愛老而慈幼不以人之疾嘗試其方
如疾痛在已也蓋其輕財如糞土耐事如慈母
而有常似秦漢間任俠而不害人似戰國四公

子而不爭利所以能動而得意起人之疾不可
爲數他日過之未嘗有德色也其所總輯傷寒
論皆其日用書也欲撮其大要論其精妙使士
大夫稍知之然未嘗游其庭者雖得吾說而不
解若有意於斯者讀其書自足以攬其精微故
不著著其行事以爲後序云前序海上人諾爲
之故虛其右以待元符三年三月豫章黃序
某氏手跋曰龐學士傷寒方奇書也坡仙賞之
宜矣伯忠咸淳下缺

案此政和癸巳刊本每葉二十行每行二十字

卷中有袁氏尙之朱文方印玉韻齋圖書印朱
文長印有竹居白文方印黃丕烈印蕙圃朱文
二方印士禮居朱文方印尙之袁褰字也明嘉
靖時人有竹居沈石田齋名

腳氣治法總要二卷

文淵閣傳抄本

宋董汲撰

自序曰昔孫思邈著書至其敘百病必先中風
敘中風必先入腳氣豈無意哉蓋以爲風者百
病之長而卑濕蒸鬱之氣中人也尤重則聖人
爲治先後之次明示後人後學者愈當致詳且

慎焉然中風方論古人立說尤詳至於四方之
治食藥之宜無不備悉而腳氣一門雖古今槩
舉其略而治法論方多有未備故人罕窮究是
疾至於江淮卑溼之地相去遼遠人或有所不
識故疾雖重於中風而患頗稀是以古人爲說
不詳而末學治療亦多致失誤可不痛哉恭自
本朝開攘最遠一統天下屬以承平日久故食
物無南北之異道途無久遠之期或因宦遊或
自客泛故內地感此者近日爲多汲自少小病
此約十餘年遂博採素問九虛靈樞甲乙太素

巢元千金外臺聖惠小品刪繁金匱玉函諸家
本草及蘇恭方論前古脈書凡古有足說者無
不究極而藏府之論鍼艾之法脈證之辨食飲
之宜四時之要道引之術以至淋瀝蒸熨備急
要方或經試驗者悉錄而集之名曰腳氣治法
總要分爲一十九門通爲一卷非敢自謂有補
於將來亦欲傳諸好事者庶幾臨病有所證據
焉

聖濟經十卷 舊抄本

宋徽宗御製 辟雍學生昭武吳禔注

徽宗御製序曰一陰一陽之謂道偏陰偏陽之
謂疾不明乎道未有能己人之疾者陰陽相照
相益相治四時相待相生相殺五行更王更廢
更相人生其間繇于陰陽復于四時制于五行
平則爲福有餘則爲禍淫則爲疾惟非數之所
能攝而獨立于萬形之上非物之所能制而周
行于萬有之內爲能以道御時以神用數形全
精復與天爲一昔者黃帝氏蓋體神而明乎道
者也問道于廣成見大塊于具茨而自親事于
法宮之中垂衣裳作書契造甲子定律歷所以

成天下之亶亶者雖若風后力牧常先大鴻奉
令承教之不暇而不可跂及然且嘆世德之下
衰憫斯民之散朴上悖日月之明下鑠山川之
精中墮四時之施至于逐妄耗真曾不終其天
年而中道以天迺詢岐伯作爲內經通神明之
德類萬物之情其言與典墳相爲表裏而世莫
得其傳至號爲醫者流此與謂易爲卜筮者何
異朕甚悼之自繼述以來兢兢業業夙夜不敢
康萬機之餘細繹訪問務法上古探天人之疇
原性命之理明營衛之清濁究七八之盛衰辨

逆順鑿盈虛爲書十篇凡四十二章名之曰聖
濟經使上士聞之意契而道存中士攷之自華
而摭實可以養生可以立命可以躋一世之民
于仁壽之域用廣黃帝氏之傳豈不美哉嗚呼
陰淫寒疾陽淫熱疾風淫末疾雨淫腹疾陰陽
之寇外傷其形有如此者意傷于憂悲而支廢
魂傷于悲哀而筋攣魄傷于喜樂而皮槁志傷
于恚怒而不能俛仰情僞之感內傷其真有如
此者積虧成損積損成衰患固多藏于細微而
發于人之所忽益止于畎澮而損在于尾閭戒

之慎之疾成而後藥神醫不可爲也若乃推行道術輔正而去邪立學建官羣多士而教養廩無告祛病苦而堙其亾沒則布之政令載在有司此不復郡齋讀書志曰御製聖濟經十卷右徽宗皇帝所製也政和八年五月十一日詔頒之天下學校九月二十四日大司成李邦彥等言乃者從侍臣之請令內外學校課試于聖濟經出題臣等竊謂令內經道德經既已選博士訓說乞更以聖濟經附二經兼講從之

大德重校聖濟總錄二百卷

舊抄本

陳仲魚舊藏

宋政和甲辰救法

臣聞天地以溥生爲大德所以曲成萬物而不遺聖人贊天地之化育故歛時五福以敷錫於庶民夫民之爲物也智者寡愚者眾起居失常食飲無節外爲寒暑燥濕風以賊其形內爲喜怒思憂恐以亂其氣形氣乃傷疾所由作聖人有憂之謂祝由不可以盡已也遂制藥石鍼艾以攻八風六氣之邪爲湯液醕醴以佐四時五行之正防其未然救其已病然後物各遂其生

民不夭其命矣又謂非立憲言不可以福萬世也於是上法天道下因地宜究陰陽之本明生死之由考於古而驗之今取之已而施之人定爲成書著之玉版藏之金匱宣之於布政之堂秘之於靈蘭之室以俟來哲以施無窮其爲仁民愛物之心斯可謂極矣然其言至簡其論至要其理至深後世學者雖有上智非研精覈慮者則亦未易究其奧也故曠代之中能以斯術鳴世者時固有之若夫神聖工巧獨得先世不傳之秘如和緩越人亦不過十餘人而已況去

聖已遠支分派別析而爲眾科業而爲專門所以人各拘其偏而莫肯究其全則益不逮於古矣積習成常流弊滋甚懼大道將墜於湮微故聖濟總錄由是而作焉上下凡二百餘卷始終幾二百萬言逐病分門門各有方據經立論論皆有統蓋將使讀之者觀論以求病因方以命藥則世無不識之病病無妄投之藥唯法有逆從治有先後在乎智者擇其所當從其所宜而已究而言之寔醫經之會要學者之指南生民之司命也惜其始成於政和重刊於大定旣綿

歷百年之久不能無三豕之訛今主上神極御
天修飾制度治具畢張以謂是書所載雖先聖
之緒餘其所以康濟斯民亦致治之一助也迺
詔江淞行省刊于有司布之天下其或繆戾隨
加釐正復降德音俾下臣爲之序臣誠愚陋竊
不自量仰惟聖德如天甄陶萬類爰自卽位以
來於今七年恩浹飛沉仁及草木然猶夙夜孜
孜廣求民瘼或一物不得其所則必爲之惻然
臣謂此書復出則上可以輔相天地之宜下可
以永底生民之生物無疵癘咸躋於仁壽之域

矣大德四年二月一日集賢學士嘉議大夫典
瑞少監臣焦養直謹序

方技之書尙之久矣聖人治世亦所不能後者
也若夫黃帝內經神農本草秦越人之八十一
難張仲景之三百九十七法王叔和之脉訣朱
奉議之活人固在所勿論自餘千萬方論歷世
所傳誠不爲不多然得其全者或寡矣故近代
諸書獨不若聖濟總錄之詳且備也聖主以至
仁爲心勤卹民隱所以首命板行於天下非惟
重下民今日之命蓋將有開於先而覺於後也

書曰贊贊襄哉夫是書之行也雖本於上意之所注其所以始而終之者亦近臣有以贊襄之也故凡與斯議者并附於左

醫愈郎諸路醫學副提舉臣申甫醫効郎御藥院副使臣王希逸承直郎太醫院判官臣和思誠奉訓大夫太醫院判官臣隋有朝列大夫太醫院副使臣王佐集賢直學士朝列大夫太醫院副使臣歐陽懋孫中順大夫太醫院使臣韓公麟少中大夫同提點太醫院事臣汪斌嘉議大夫提點太醫院事臣麻維絲正議大夫同簽

樞密院事左衛親軍都指揮使提點太醫院事臣李邦寧昭文館大學士正太中大夫提點太醫院事臣鄭忙古仄榮祿大夫平章政事大都護提點太醫院事臣脫因納

江浙等處行中書省大德三年九月內欽奉聖旨刊造大德重校聖濟總錄至大德四年二月內畢工今具在局提調官於後正議大夫杭州路總管兼管內勸農事臣梁曾中順大夫江南浙西道肅政廉訪副使臣商晦嘉議大夫江南浙西道肅政廉訪使臣田滋中奉大夫前江南

浙西道肅政廉訪使臣徐珍嘉議大夫簽江浙等處行中書省事臣奪兒只哥正奉大夫江浙等處行中書省參知政事臣安祚

宋徽宗御製序曰生者天地之大德疾者有生之大患方術者治疾之大法昔者神農氏黃帝氏獨觀太初旁燭妙有味百藥以辨物審百疾以全生其制名其取類其正君臣其立佐使其見於太素玉冊之書雷公岐伯之問蓋皆開神明之蘊窮陰陽之變原性命之理而與天地同其覆載中古已還鏤之玉版藏之金匱功利及

草木惠澤被牛馬所以遺天下後世甚厚歷年既久流弊滋甚糟粕俱在而精意不傳內經有病名而莫之究有治法而莫之習極其妙至於通仙而莫之悟人之生也其位參於天地其靈貴於萬物形不盈仞而心侔造化崑崙尺宅修之可以長生寸田神牖閉之可以反照天關神廬息之可以召和去土符書金格煉丹卻粒御氣凌虛不假於物而裕然自足嗟夫達士可以神解昧者且不能養其形而況於了其心乎內之五藏六腑外之九竅四關著之於色發之於

百宋樓藏書志 卷四十四 三
聲寓之於三部九候一失其平則疾疢隨至神
聖治於未兆工巧救其已然非天下之至精孰
能探天下之至蹟非天下之至精孰能祐天下
之至神朕憫大道之鬱滯流俗之積習斯民之
沉痾庸醫之妄作學非精博識非悟解五行之
數六氣之化莫索其隱莫擬其遠曰寒曰熱曰
寒熱之相搏差之毫釐失之千里而有餘者益
之不足者損之率意用藥草石雜進天枉者半
可勝歎哉萬機之餘著書四十二章發明內經
之妙曰聖濟經其意精微其旨邁遠其所言在

理所以探天下之至蹟又詔天下以方術來上
并御府所藏頒之爲補遺一卷治法一卷卷凡
二百方幾二萬以病分門門各有論而叙統附
焉首之以風疾之變動終之以神仙之服餌詳
至於俞穴經絡祝由符禁無不悉備名之曰政
和聖濟總錄其所載在事所以祐天下之至神
蓋聖人之賦世本在於上末在於下無見於上
則治之不立無見於下則治之具不行經之
所言者道也醫得之而窮神總錄之載者具也
醫用之而已疾漢張仲景作傷寒論而雜之以

方唐孫思邈作千金方而繼之以翼以謂不如是則世莫能用其術然之二人者游於方術之內者也彼超然獨見於方術之外下顧岐伯之流而與之議始可謂知道朕作總錄於以急世用而救民疾亦斯道之筌諦云耳天下後世宜致思於忘筌諦而自得者俯仰之間嘖笑之度御五行之數運六氣之化以相天地以育萬物至於及營魂而起當生者豈細事哉蓋將有來者焉

案 四庫所收程林纂要二十六卷乾隆中有

重刻二百卷本並非全書後人妄爲補綴此題元抄本尙是明人舊抄爲陳仲魚孝廉舊藏有仲魚小像圖記得此書費辛苦後之人其監我白文長方印

大德重校聖濟總錄二百卷

東洋活字本

宋正和中奉勅撰

御製序

焦養直序

大德四年

脫因納序

刊版銜名

倍之唐蘇恭李勣之徒又從而廣焉其書爲稍
備逮及本朝開寶嘉祐之間嘗詔儒臣論撰收
拾采摭至於前人之所棄於夫有名而未用已
用而未載者悉取而著于篇其藥之增多遂至
千有餘種庶乎無遺也而世之醫師方家下至
田父 猶時有 方異品效見奇捷而前
書不 不知者 蓋非一故謹微因
之所逮博采而備載之於本草圖經之外又
得藥數百種益以諸家方書於夫經子傳記佛
書道藏凡該明乎物品功用者各附於本藥之

左其爲書三十有一卷目錄一卷六十餘萬言
名曰經史證類備急本草察其爲力亦勤矣而
其書不傳世罕言焉集賢孫公得其本而善之
邦計之暇命官校正募工鏤板以廣其傳蓋仁
者之用心也夫病水必能殺人藥之殺人多矣
而世之醫者不復究知根性之溫涼功用之緩
急妄意增減用以治病不幸而危殆者時益有
之茲何異操矛而刺人於衽席之上哉儻能研
思於此因書以究其說卽圖以驗其真審方以
求其効則不待乎七十毒而後知藥三折臂而

後知醫矣然則是書之傳其利於世也顧不博哉謹微姓唐不知爲何許人傳其書者失其邑里族氏故不及載云大觀二年十月朔通仕郎行杭州仁和縣尉管勾學事艾晟序

嘉祐三年十月校正醫書所奏竊見唐顯慶中詔修本草當時修定注釋本經外又取諸般藥品繪畫圖別撰圖經辨別諸藥最爲詳備後來失傳罕有完本欲望下應係產藥去處令識別人子細詳認根莖苗葉花寔形色大小并蟲魚鳥獸玉石等堪入藥用者逐件畫圖并一一

開說著花結寔收採時月及所用功效其蕃夷所產卽令詢問權場市舶商客亦依此供折以憑照證畫成本草圖并別撰圖經與今本草經並行使人用藥知所依據詔旨宜令諸路轉運司指揮轄下州府軍監差逐處通判職官專切管勾依應供申校正醫書所至六年五月又奏本草圖經係太常博士集賢校理蘇頌分定編撰將欲了當奉勅差知穎州所有圖經文字欲令本官一面編撰了當詔可其年十月編撰成書送本局修寫至七年十二月一日進呈奉聖

旨鏤板施行

案此元刊元印本序後有大德壬寅孟春宗文書院刊行木印每葉二十行行二十字小黒口衍義別行明刊以衍義散入各条下與元本小有異同

重修政和經史證類備用本草三十卷

明覆金刊本

宋中衛大夫康州防禦使句當龍德宮總轄修建明堂所醫藥提舉入內醫官編類聖濟經提舉大醫學臣曹孝忠奉敕撰

自古人俞穴鍼石之法不大傳而後世亦鮮有

得其妙者遂專用湯液丸粒理疾至於剗腸刮臆刮骨續筋之神奇以爲別術所得終非神農家事維聖哲審證以制方因方而見藥故方家言盛行而神農之經不可一朝而舍也其書大抵源於神農氏自神農氏而下名本草者固非一家又有所謂唐本蜀本者迄於有宋政和間天子留意生人乃命宏儒名醫銓定諸家之說爲之圖繪使人驗其草木根莖花實之微與夫玉石金土蟲魚飛走之狀以辯其藥之真贗而易知爲之類例使人別其物產風氣之殊宜君

臣佐使之異用其辛鹹苦酸之異味溫涼寒熱
緩急有毒無毒之不同而易見其書始大備而
加察焉行於中州者舊有解人龐氏本兵烟蕩
析之餘所存無幾故人罕得恣窺今平陽張君
魏卿惜其寢遂湮墜乃命工刻梓寔因龐氏本
仍附以寇氏衍義比之舊本益備而加察焉書
成過余屬爲序引余謂人之所甚重者生也衛
生之資所甚急者藥也藥之考訂使無以乙亂
丙誤用妄投之失者神農家書也開卷之際指
掌斯見政如止水鑑形洪鐘苔響顧安所逃遯

其形聲哉養老慈幼之家固當家置一本况業
醫者之流乎然其論著自梁陶隱居唐宋以來
諸人備矣余言其贅乎世固有無用之學無益
之書余特嘉張君愛物之周用心之勤能爲是
大有益之書以暨羣生以圖永久非若世之市
兒販夫僥倖目前規規然專以利爲也故喜聞
而樂道之君諱存惠字魏卿歲己酉孟秋望日
貽溪麻革信之序

成周六典列醫師於天官聚毒藥以其醫事蓋
雖治道緒餘仁民愛物之意寓焉聖人有不能

後也國朝闡神農書康濟斯民嘉祐中命儒臣
圖經補注訓義剖治亦已詳矣而重熙累洽文
物滋盛士之聞見益廣視前世書猶可緝熙而
賡續者蜀人唐慎微近以醫術稱因本草舊經
衍以證類醫方之外旁摭經史至僊經道書下
逮百家之說兼收並錄其義明其理博覽之者
可以洞達臣因侍燕間親奉玉音以謂此書寔
可垂濟迺詔節使臣楊戩總工刊寫繼又命臣
校正而潤色之臣仰惟睿聖當天慈仁在宥謨
振三墳躋民壽域肇設學校俾革俗弊復詔天

下進以奇方善術將爲聖濟經以幸天下萬世
臣以匪才叨列是職兢臨淵谷而證類本草誠
治病之總括又得以釐而正之榮幸深矣謹
奉明詔欽帥 聯朝夕講究刪繁緝紊務底厥
理諸有援引誤謬則斷以經傳字畫鄙俚則正
以字說餘或訛戾彀互繕錄之不當者又復隨
筆刊正無慮數千遂完然爲成書凡六十餘萬
言請目以政和新修經史證類備用本草云政
和六年九月一日中衛大夫康州防禦使勾當
龍德宮總轄修建明堂所醫藥提舉入內醫官

編類聖濟經提舉大醫學臣曹孝忠謹序

此書世行久矣諸家因革不同今取證類本尤善者爲窠模增以寇氏衍義別本中方論多者悉爲補入又有本經別錄先附分條之類其數舊多差互今亦考正凡藥有異名者取其俗稱注之目錄各條下俾讀者易識如蚤休云紫河車假蘇云荆芥之類是也圖象失真者據所嘗見皆更寫之如竹分淡苦堇三種食鹽著古今二法之類是也字畫誤謬殊關利害如升斗疽疸上下千十未末之類無慮千數或證以別本

質以諸書悉爲釐正疑者缺之敬俟來哲仍廣其卷行以便綴緝庶歷久不壞其間致力極意諸所營制難以具載不敢一毫苟簡與舊本頗異故目之曰重修天下名賢士夫以舊鑿新自知矣泰和甲子下己酉冬日南至晦明軒謹記嘉祐二年八月三日詔朝廷累頒方書委諸郡收掌以備軍民醫疾訪聞貧下之家難於檢用亦不能修合未副矜存之意今除在京已係逐年散藥外其三京并諸路自今每年京府節鎮及益并慶滑四州各賜錢二百貫餘州軍監賜

前漢書志 卷四十五
錢一百貫委長史選差官屬監勒醫人體度時
令按方合藥候有軍民請令畫時給付所有神
農本草靈樞太素甲乙經素問之類及廣濟千
金外臺祕要等方仍差太常少卿直集賢掌禹
錫職方員外郎祕閣校理林億殿中丞祕閣校
理張洞殿中丞館閣校勘蘇頌同共校正聞奏
臣禹錫等尋奏置局刊校并乞差醫官三兩人
同共詳定其年十月差醫學秦宗右朱有章赴
局祇應三年十月臣禹錫臣億臣頌臣洞又奏
本草舊本經注中載述藥性功狀甚多疎略不

備處已將諸家本草及書史中應係該說藥品
功狀者採拾補注漸有次第及見唐顯慶中詔
修本草當時修定注釋本經外又取諸般藥品
繪畫成圖及別撰圖經等辨別諸藥最爲詳備
後來失傳罕有完本欲下諸路州縣應係產藥
去處並令識別人子細辨認根莖苗葉花寔形
色大小并蟲魚鳥獸玉石等堪入藥用者逐件
畫圖並一一開說著花結寔收採時月所用功
効其番夷所產藥卽令詢問權場市舶商客亦
依此供析并取逐味各一二兩或一二枚封角

因入京人差齎送當所投納以憑照證畫成本
草圖并別撰圖經所冀於今本草經並行使後
人用藥知所依據奏可至四年九月又准勅差
太子中舍陳檢同校正五年八月補注本草成
書先上之十一月十五日准勅差光祿寺丞高
保衡同共覆校至六年十二月繕寫成版樣依
舊并目錄二十一卷仍賜名曰嘉祐補注神農
本草嘉祐五年八月十二日進
嘉祐三年奏勅
證類本草校勘官政和六年七月二十九日奉

勅校勘

同校勘官太醫學內舍生編類聖濟經所點對
方書官臣龔璧 同校勘官登仕郎編類聖濟
經所點對方書官臣丁阜 同校勘官登仕郎
編類聖濟經所點對方書官臣許璣 同校勘
官登仕郎編類聖濟經所點對方書官臣杜潤
夫 同校勘官翰林醫候入內內宿編類聖濟
經所點對方書官臣朱永弼 同校勘官翰林
醫官編類聖濟經所點對方書官臣謝口 同
校勘官奉議郎太醫學博士編類聖濟經所校

百宋樓藏書志 卷四十五
閱官臣劉植 校勘官中衛大夫康州防禦使
勾當龍德宮總轄修建明堂所醫藥提舉入內
醫官編類聖濟經提舉太醫學臣曹孝忠

大德丙午歲仲冬望日平水許宅印

宇文虛中書後曰余讀沈明遠寓簡稱范文正
公微時慷慨語其友曰吾讀書學道要爲宰輔
得時行道可以活天下之命時不我與則當讀
黃帝書深究醫家奧旨是亦可以活人也未嘗
不三復其言而大其有濟世志又讀蘇眉山題
東臯子傳後云人之至樂莫若身無病而心無

憂我則無是二者然人之有是者接於予前則
予安得全其樂乎故所至常畜善藥有求者則
與之而尤喜釀酒以飲客或曰子無病而多畜
藥不飲而多釀酒勞已以爲人何哉子笑曰病
者得藥吾爲之體輕飲者得酒吾爲之酣適豈
專以自爲也亦未嘗不三復其言而仁其用心
嗟乎古之大人君子之量何其弘也蓋士之生
世惟當以濟人利物爲事達則有達而濟人利
物之事所謂執朝廷大政進賢退邪興利除害
以澤天下是也窮則有窮而濟人利物之事所

謂居閭里間傳道授學急難救疾化一鄉一邑是也要爲有補於世有益於民者庶幾乎兼善之義顧豈以未得志也未得位也遽泛然忘斯世而棄斯民哉若夫醫者爲切身一大事且有及物之功語曰人而無恆不可以作醫又曰子之所慎齊戰疾康子饋藥子曰丘未達不敢嘗嘗論之是術也在吾道中雖名爲方伎非聖人賢者所專然捨而不學則於仁義忠孝有所缺蓋許世子止不先嘗藥春秋書以殺君故曰爲人子者不可不知醫懼其忽於親之疾

也况乎此身受氣於天地受形於父母自幼及老將以率其本然之性充其固有之心如或遇時行道使萬物皆得其所指六合於太和中以畢其爲人之事而一旦有疾懵不知所以療之伏枕呻吟付之庸醫手而生死一聽焉亦未可以言智也故自神農黃帝雷公岐伯以來名卿才大夫徃徃究心於醫若漢之淳于意張仲景晉之葛洪殷浩齊之褚澄梁之陶弘景皆焉唐陸贄斥忠州纂集方書而蘇沈二公方至今傳世是吾儕以從正講學餘隙而於此乎

不爲無用也余幼多病數與醫者語
故於醫家書頗獵在淮陽時嘗節本草
一帙辨藥性大綱以爲是書地間玉石草
木禽獸蟲魚萬物性味在儒者不可不知又
食服餌禁忌尤不亦窮理之一事也後
居大梁得閑閱趙公家素問善本其有公標
注黃緣一讀深有所得亂以來舊學蕪廢二
書亦失去嘗謂他日安居講學論著當留意
攝生今歲游平水會郡人張存惠魏卿介吾友
弋唐佐來言其家重刊證類本草已出及增

入宋人寇

義完焉新書求爲序引因爲

書其後己酉中秋日云

唐慎微字審元成都華陽人貌寢陋舉措語言
樸訥而中極明敏其治病百不失一一語證候
不過數言再問之輒怒不應其餘人不以貴賤
有所召必往寒暑雨雪不避也其爲士人療病
不取一錢但以名方祕錄爲請以此士人尤喜
之每於經史諸書中得一藥名一方論必錄以
告遂集爲此書尙書左丞蒲公傳正欲以執政
恩例奏與一官拒而不受其二子五十一五十

四 偶忘其名 及婿張宗說字岩老皆傳其藝為成都

名醫元祐間虛中為兒童時先人感風毒之病

審元療之如神又手緘一書約曰某年月日即

啟封至期舊恙復作取所封開視之則所錄三

方第一療風毒再作第二療風毒上攻氣促欲

作喘嗽如其言以次第餌之半月良愈其神妙

若此皇統三年九月望成都宇文虛中書

本草衍義二十卷 元刊本

宋通直郎添差充收買藥材所辨驗藥材寇宗

奭編撰

書錄解題曰本草衍義十卷通直郎寇宗奭撰

接引辨証頗可觀采

案此元宗文書院刊本與証類本草同刊每葉

二十四行每行二十一字小字雙行小黑口文

獻通考二十卷與此本合書錄解題脫二字耳

史載之方二卷 北宋刊本

宋史堪撰

載之治病用藥初不求異炮炙製度自依本法

以銖計者蓋其審證精切不過三四服立踰踰

是而不效乃察病按方之不審便當改轍不可

泥也此皆親試而得之非敢夸大其說六銖爲
分四分爲兩

下缺

黃氏手跋曰向聞白堤錢聽默云北宋時有名
醫因治蔡京腸祕之症只用紫苑一味其病遂
愈醫者由是知名其人蓋史載之也後余友顧
千里游杭州遇石冢嚴久能于湖上出各種古
書相質歸爲余言中有史載之方二卷真北宋
精槧余心向往之矣客歲錢唐何夢華從嚴氏
買得今夏轉歸于余予檢其方果有大府祕一
門用紫苑者始信錢丈之言爲不謬特未知用

而見效之說出何書耳至于版刻之爲北宋確
然可信字畫斬方神氣肅穆在宋槧中不多覩
其避諱若昇字尤他刻所罕千里艷稱于前夢
華作合于後余此書可云奇遇余喜讀未見書
若此書各家書目所未收惟宋史新編有云史
戰之方二卷戰者以載字形近而譌無可疑者
余重其書之祕出白金三十兩易得重加裝潢
遇上方切去原紙處悉以宋帛補之尾葉原填
闕字亦以宋紙易去命工仍錄其文想前人必
非無知妄作者也上下卷通計一百單七翻合

裝潢費核之幾幾乎白金三星一葉矣余之惜書而不惜錢其真佞宋耶誠不失爲書魔云爾嘉慶丙寅立冬後一日蕘翁黃丕烈識于百宋一廛

又曰余喜蓄古籍苟宋元舊刻雖方伎必收焉每得醫書古本訪求藏書家目證之辨折同異頃因收得白沙許學士述傷寒百證歌傷寒發微論二書檢及直齋書錄解題有云指南方二卷蜀人史堪載之撰凡三十一門各有論未識卽此方否然茲方爲二卷雖不名爲指南卷數

卻合載之向不知其何郡人今解題云蜀人而證諸宋稗類抄取耳朱師古眉州人乃趨郡謁史載之則其所居之郡可知向不知其何名今解題云史堪則載之乃以字行者也聊著之以見讀書有得乃爾觸類旁通其樂又何如耶己巳四月小滿前二日復翁又識

案史堪字載之蜀人書錄解題所謂指南方二卷當卽此書每頁十八行每行十七字徽宗以前諱皆缺避丸不改圓不避欽宗嫌名其爲徽宗時刊本無疑前有嚴修能朱文方印元炤私

印朱文方印芳椒堂印白文方印士禮居藏白
文方印嚴元照德清人字久能芳椒堂其藏書
之室也此本已刻入十萬卷樓叢書

小兒衛生總微論方二十卷 明刊本

不著撰人名氏

余先君有小兒衛生總微論方二十卷家藏甚
久今六十餘載矣不知作者謂誰博加搜訪未
嘗聞此書之流播也自嬰孩初育以至成童所
謂保衛其生總括精微視古今方書極爲詳
仁哉著書者之心也宗族親舊間幼稚有疾每

口傳指授効如影響又取其可以通用於大人
者增湯劑而用之尤爲神異豈此書不言之妙
有待於余而發耶烏可掩爲一家之寶而不與
人共之於是集二三同志訂正其謄寫之舛鈔
于行在太醫局以廣其傳得此者敬而用之當
知余言不繆未免畫蛇添足之訛不暇顧矣吁
齊魯大臣史失其名恨不得詳其人也嘉定丙
午立春日和安大夫特差判太醫局何大任序
朱臣序 弘治己酉

李延壽跋 又

重校證活人書十八卷 宋刊宋印本

宋朱肱撰

按直齋書錄解題著錄十八卷與

此本合郡齋讀書志及進表皆云二十卷未知何故

僕乙未秋以罪去國明年就領宮祠以歸過方城見同年范內翰云活人書詳矣比百問十倍然證與方分爲兩卷倉卒難檢耳及至淮陽又見王先生云活人書京師成都湖南福建兩浙凡五處印行惜其不冒校勘錯誤頗多遂取繕本重爲參詳改一百餘處及并證與方爲一卷

因命工于杭州大隱坊鏤板作中字印行庶幾緩急易以檢閱然方術之士能以此本游諸聚落悉爲改證使人讀誦廣說流布不爲俗醫妄投藥餌其爲功德獲福無量政和八年季夏朔朝奉郎提點洞霄宮朱肱重校

進活人書表曰臣聞鍾山非矯幽人躡屩於深林衡岳雖遙志士獻書於北闕蓋行藏之有數非狂狷所能知 中謝 伏念臣出自葭屋之微嘗奉大廷之對昔爲冗吏今作閑人乃因三餘著成百問上稽伊尹湯液之論下述長沙經略之

文詮次無差搜羅殆盡從微至著蓋不可加巨古及今實未曾有載在簡冊圖之丹青思欲膠口而不傳大懼利己而無益恐先朝露虛棄寸陰學古入官既無裨於國論博施濟眾庶或廣於仁風伏惟皇帝陛下經緯之文出自天縱紀綱之治成于日躋疆宇開拓於版圖弦歌洋溢乎天下棲神內景屬意生民收拾人材凡片善寸長皆有所用勤郵民隱雖沉痾垂老各安其居玉燭亘天以流離朱草填廷而委積湛恩滂沛溫詔丁寧致茲工園一介之愚亦効涓埃萬

分之助葳明大道敷奏彌文楊雄所懷以旣章蔡澤沒齒而無憾重惟道途修阻巾笈護持未免客嘲焉令鬼泣顧因果之有在茲俯仰而不慙儻合宸衷自讐輿議特羈縻於丹竈徒景仰乎公車謹遣男遺直賚臣所撰書一函入策共二十卷躬詣檢院投進以聞委有觀采伏乞宣付國子監印造頒行如臣學植淺陋違戾於經卽乞委官參詳然後布之天下以福羣生臣無任干天冒聖激切屏營之至政和元年正月一日奉議郎致仕臣朱肱謹上

謝表

謝啟

郡齋讀書志曰南陽活人書二十卷右皇朝朱肱撰序謂張長沙傷寒論其言奧雅非精于經絡不能曉會頃因投閒設其對問補苴綴輯僅成卷軸作于己巳成于戊子計九萬一千三百六十六字

直齋書錄解題曰南陽活人書十八卷朝奉郎直祕閣吳興朱肱翼中撰以張仲景傷寒方論各以類聚爲之問答本號無求子傷寒百問方

有武夷張藏作序易此名仲景南陽人而活人者本華陀語也肱祕丞臨之子中書舍人服之弟亦登進士科

案此南宋刊本每頁二十行每行十九字版心有刻工姓名每卷有目連屬篇目有兼牧藏書記白文方印百宋一厘祇有殘本三卷此本惟首卷影抄補餘完善眞罕觀之祕笈也

雞峯普濟方二十四卷

宋刊宋印本

天籟閣舊藏

宋孫兆撰馮翊賈兼重校定

案此南宋閩中刊本字體與三山蔡氏所刻陸

狀元通鑑等書同每葉二十二行每行二十二
字小黑口每卷有貴我齋朱文圓印墨林山人
白文方印項子京家藏朱文長印天籟閣朱文
長印樵李項氏家寶玩朱文長印項元汴朱文
方印項墨林祕笈之印朱文方印宮保世家白
文方印文石朱象立氏白文長印華齋朱氏白
文長印崑山徐氏家藏朱文長印乾學之印健
菴白文二方印餘詳儀顧堂集

新刊素問入式運氣論奧三卷附黃帝素問遺編一
卷
元刊本

宋劉溫舒撰

新編張仲景註解傷寒百證歌五卷新編張仲景註
解傷寒發微論二卷
元刊本

宋翰林學士許叔微知可述

黃氏手跋曰余于去冬收得許學士普濟本事
方宋刻殘本僅六卷然出大價蓋以其書之希
有也吾友某爲余言許學士尙有傷寒書舊刻
本在小讀書堆心甚豔之春二月下旬有書船
友不識姓名者二人持元刻傷寒百證歌傷寒
發微論二書又有別種醫書二本求售于余彼

因稔知余之出大價得前書故以此來一時議
價未妥僅得別種之一本許書卻還之一月以
來時復思之不置適書友亦非余不能售故重
復攜來豈書之戀余耶抑余之戀書也出番餅
十七元得此以別種副之仍取其希有耳是二
書載讀書敏求記茲遵王圖記宛然裝演如舊
其爲述古物無疑後歸吾郡惠氏非但松崖先
生有鈴印而余收得百歲堂書目有松崖注語
可證物之授受源流悉悉相合豈不可寶惟是
錢惠兩家書目于發微論皆云三卷此卻上下

二卷未知何以岐異惜小讀書堆主人作古數
年偶有欲假之書思而不得未能一證卷之多
寡爲憾聞五硯樓曾借錄其副而壽階又往揚
州不克急假觀之以析疑意是所耿耿余檢直
齋書錄解題僅有傷寒歌三卷許叔微撰凡百
篇皆本仲景法又有治法八十一篇及仲景脉
法三十六圖翼傷寒論二卷辨類五卷皆未見
茲以目見者證之傷寒歌三卷與傷寒百證歌
五卷其同耶其不同耶何分卷之異耶傷寒發
微論二卷與翼傷寒論二卷其不同耶其同耶

何分卷之符耶皆莫可詳矣古書日就湮沒尚
賴弈世藏書家表章其名留傳其種俾後人有
所據依我輩好古書而方伎家言亦在收錄若
世之庸醫且有問之而不知其名者又安能與
之賞奇析疑也閑窗展玩藉此破寐剪燭書此
覺一切塵撻暫爲拋卻樂何如之時已巳初夏
將屆小滿大風揚沙晴雨忽變麥秀之寒甚于
常歲并記復翁

越歲丁丑重裝分四冊又記

案書錄解題有傷寒歌百篇又云傷寒論二卷

未見所謂百篇卽百証歌也傷寒論二卷者卽
發微論也每葉十六行每行十七字小字雙行

普濟本事方殘本六卷

宋刊宋印本 陳白陽舊藏

宋儀真許叔微知可述

自序曰醫之道大矣可以養生可以全身可以
盡年可以利天下與來世是非淺識者所能爲
也苟精此道者通神明奪造化擅回生起死之
功則精神之運必有默相於冥冥之中者豈可
謂之藝與技術爲等耶竊疑上古之時如岐伯
輔皇帝伊尹相商王皆有方書以瘳民瘼殆及

後世周有和緩秦有扁鵲漢有倉公魏有華佗
宋有徐文伯唐有孫思邈又皆神奇出人意料
背望踵躡代不乏人自茲以往其妙不傳間有
能者僅可一二數何古人精巧如是而今人之
不逮也予嘗思之古人以此救人故天畀其道
使普惠含靈後人以此射利故天嗇其術而不
輕畀予無足疑者余年十一連遭家禍父以時
疫母以氣中百日之間併失怙恃痛念里無良
醫束手待盡及長成人刻意方書誓欲以救物
爲心杳冥之中似有所警年運而往今逼桑榆

漫集已試之方及所得新意錄以傳遠題爲普
濟本事方孟啟有本事詩楊元素有本事曲皆
有當時事寔庶幾觀者見其曲折也余旣以救
物爲心予而不求其報則是方也烏得不與眾
共之

衡山文璧觀

穎川陳淳借觀

明正德戊辰重裝于僊春堂仲夏十日葛懌記
黃氏手跋曰戊辰季冬校時刻本一過誠如余
所云藥名分兩多有差池也惟此六卷中時刻

多方幾許未知何所據而增添抑別有舊本彼
雲間王某序以爲抄本相傳亥豕良多用是取
坊賈抄本於家藏善本校訂釐正鏤版以廣其
傳是未可據矣此宋刻六卷真本豈不可寶耶
己巳立春後一日復翁

又曰初書坊某云書船有殘宋本普濟本事方
余屬其取閱久之以書來勵存三冊序全目失
六卷後已遭剗改也六卷尙完好第一卷首多
治藥制度摠例擬購之無如索直六十金旣而
持物主之札索還并云中人須酬十金余未及

還價而罷仲冬以來爲亡兒營葬爲長女遣嫁
兼之度歲辦糧所入不償所出自朝至夕雖身
逸而心勞幾幾乎坐卧不甯矣然可以解憂者
惟書余自甲寅後連丁大故天災人事困我身
心若論處境不知生人之樂而好書一事從未
住手謂聊樂我員者此也昨書船之友自來攜
各書俱無愜意者因詢前書云尙在某坊問其
直元易爲洋矣今日遂與議易給以番餅二十
枚以他書貼之合四十兩青蚨百忙之中出見
銀一斤置此殘帙旁人視之得無笑其癡邪余

曰此養生藥

幾廢寢食余又不知蠹魚之

何以固結若是書

細點葉數序二葉目

錄存九葉治藥制度摠例四葉卷一十九

二十四葉卷三二十六葉卷四二十四葉卷五十九葉卷六十七葉共計一百四十四番以葉論價合每葉青蚨一百九十五文近日書直昂貴間有無錫浦姓書賈卽浦二田之後持殘宋本孟東野集索直每葉元銀二兩故余戲以葉論價此書猶賤之至者也此書亦卽出浦姓手書有錫山浦氏珍藏印又有浦氏蕢菽賞鑒

印當亦二田家藏者二田故多宋本書後人不知盡皆散失余向年曾得楊倞注荀子錢佃本二程遺書俱由浦姓賤售于某坊某坊以之歸余者此書浦姓賤售于某家某家又售于書船獲此厚直幸余次第得之俾宋刊勿致失墜此余區區之苦心雖無錢而必勉強致之者職是故耳至于宋刊之可寶序及治藥制度摠例時刻所無其餘卷中錯誤不可枚舉莫謂方書雜伎無足重輕倘藥品缺少分兩差池致病罔効猶諸經典誤處足以妨事所係豈淺鮮哉書船

友姓邵名寶壙云其書得諸江陰卽浦姓賤售者并記復翁

跋新得普濟本事方後尙有餘意詩以盡之性嗜奇書及古方飄零殘帙亦收藏當時事寔觀能得詩曲由來起孟楊孟啟有本事詩楊元素有本事曲並詳序文中十存其六卷猶全制度先教治藥先板係宋雕何處認真珠丸已諱爲圓宋刊方書都諱諱爲丸作圓此書開卷真珠圓是其證祕笈沈淪孰與求人亡人得理周流墨林清玩叢殘甚萬卷堂中卷尾留書經樵李項藥師藏六卷尾有萬卷堂藏書記是在項氏已失四卷重裝手澤記仙春逆數前

朝歲戊辰三百年來五甲子一書閱過幾家人

正德戊辰至嘉慶戊辰甲子五周矣書之授受不知其幾家嘉慶戊辰季冬

九日復翁識于百宋一廬

案每頁十六行每行十六字板心有字數及刻工姓名餘詳儀顧堂集

